

卽墨縣志卷之八

名宦

親民之官莫重於守令而師儒以端士習軍旅以弭寇盜苟非治行卓卓口碑在人雖邀譽於一時亦必無沒世之榮也墨自戰國以來洎斯土者名賢接踵文治武功於今爲烈每父老聚談軼事稱慈父頌神君者有之號多士之儀型推一方之捍蔽者有之遠者侈爲美談近者至於感泣夫民者弱而不可勝愚而不可欺也召伯之棠峴山之淚家尸戶祝俎豆弗衰豈偶然哉

吏治

周

三大夫史失其名其一齊威王語之曰子居卽墨田野闢人民給東方以甯封之萬家其一燕破齊獨莒卽墨未下燕並兵圍卽墨大夫出戰死之其一齊王建將入秦大夫力諫晝臨晉武關之策王不聽竟入秦秦遷之共死於松柏間遂滅齊俱祀名宦

按藍重穀纂輯稿齊威王時成侯忌舉田種首子爲卽墨王所封或卽其人誌此俟考

漢

闕門慶忌鄒人受詩魯申公與周霸徐偃同以經通顯爲膠東內

史有廉節

卽墨縣志

卷八

名宦 吏治

二

延廣爲膠東太守治有異等太初三年遷御史大夫

王成不知何郡人膠東相治甚有聲勞來不怠流民自占八萬餘

口宣帝下詔褒之賜爵關內侯

張敞字子高河東平陽人宣帝時由太僕丞擢豫州刺史會膠東

盜賊並起敞上書請自治之拜膠東相明設購賞開諭羣盜令

相捕斬除罪吏追捕有功者上名尚書調補縣令數十人由是

羣盜解散國中遂平

薛宣子贛君東海郟人元成時爲不其丞琅邪太守趙貢行縣甚

悅其能遷樂浪都尉丞班固贊曰宣所在而治爲世長吏師祀

名宦

假倉陳留人受小夏侯氏尚書學於少府張山拊以謁者論石渠至膠東相

吳祐字季英陳留長垣人桓帝時爲膠東相政尚仁簡以身率物民有訟輒閉閣自責然後以道譬之吏民懷而不忍欺嗇夫孫性私賦民錢市衣以進其父父怒使伏罪祐曰掾以親故受汚名所謂觀過知仁乃使歸謝其父還以衣遺之安邱母邱長以醉人辱其母因殺之祐憐之而不能赦聞長無子使妻同宿獄中遂孕至冬將行刑長大感泣因投繯而死祐在膠東九年遷長史

童恢字漢宗琅邪姑幕人少仕州郡爲吏治法廉平司徒楊賜聞卽墨縣志

卷八 名宦 吏治

三

而辟之和帝時除不其令吏民有過輒隨方曉示若吏稱其職人行善事者賜酒餼勸勵之耕織種牧皆有條章一境清靜牢獄連年無囚比縣流人歸化民嘗爲虎所害設檻捕之獲二虎咒曰王法殺人者死汝是殺人者當服罪否則號呼一虎應聲而伏乃殺之而稱其嗚吼者民歌頌立廟祀之遷丹陽太守祀名宦

三國

王修字叔治北海營陵人初平中爲高密令邑俠孫氏匿賊於家吏不能執修將吏民圍之孫懼出賊再守膠東亦多賊邑人公沙盧宗強不應調發修隨數騎往徑斬之撫慰其餘由是寇少

止袁譚在青州辟爲治中從事別駕劉獻數短修後獻以事當死修理之得免又爲卽墨令

唐

仇源太宗時爲卽墨令患水築堤障之民享其利祀名宦

五代

王延字世美鄭州長豐人少好學梁相李琪薦爲卽墨令後拜中書舍人知貢舉公正不阿累遷刑部尚書以太子少保致仕爲人重然諾與其弟規相友愛五代之際稱其家法焉

金

胡嵩一名景崧字彥高武安人大定詞賦甲科令卽墨矯薄俗以

卽墨縣志

卷八

名宦 吏治

四

道化頑民以德治稱最嘗以硃書驅妖狐狐去有廉官遣我之語至今稱之見孫昂異政碑祀名宦

元

董守中字君庸莘人爲卽墨令興利除害信賞必罰時隸兵籍者肆毒悉繩以法莫不畏避有使巡海上從者夜入民家徑治其罪去後民爲立碑祀名宦

柴宗道燕山入爲政以恩信撫摩

王章甫爲政嚴明與柴齊名有雙清記碑在縣治

明

裴瓘字廷用山西聞喜人吏幹精勤甫下車興學勸農禁暴禮賢

不逾年田野四闢盜息訟減政聲赫然爲有明邑令循良之始
有王斌撰德政碑記

周岐鳳名鳴以字行吉水人洪武三十二年由桐城訓導推邑主
簿通達治體遇事敢言先在京上經國利民四事至縣從御史
僉事讞登州盜獄察四十五人寃陳於主者釋之墨民支食鹽
無定場需時糜費多不便岐鳳奏於附近分支遂爲例又連奏
利弊十餘事免派炭鐵料豆等項皆報可奉勅合修鋪舍岐鳳
以歲荒賦繁復奏止之仍勸借雜糧於富戶濟貧民二千九百
石有奇歷陞職方員外郎

王濬字文通上元人鰲山衛教授鰲初設庠教法未備首以十事
卽墨縣志

卷八

名宦 吏治

五

聞於朝頒行天下爲衛學式尋擢國子博士

田良輔開州舉人成化三年任卽墨令興學愛民士民戴之

王明字彥照山西垣曲舉人成化十三年除墨令存心仁恕泣事
敏決歲饑不待報發粟倡賑全活數萬人遷南京光祿寺丞有
官廉德政碑

張聞字德聰陝西鄜州進士成化二十一年除墨令公廉正大愛
民恤士公署學校壇祠建置甚多民不告勞擢監察御史歷官
四川僉事

王輔字廷佐河南河內舉人宏治間爲邑令內明敏而外樸茂任
五載訟獄幾空

王瓚山西萬全人宏治十一年由舉人爲邑令廉潔鯁直事至立判後卒於官貧無以備衾斂有自理贖金七十兩封置如故民喪之如其親祀名宦

高允中山西太原人正德四年由舉人知縣事爲政嚴明時流賊猖獗鄰邑都陷允中設計捍禦民得安堵有邑侍郎藍章禦寇碑記

王重賢字子尚交河人進士嘉靖二年令卽墨清慎明正擢監察御史

張韓號我齋宣城人官生由鴻臚寺序班知縣事親檢簿籍夜分不倦讞獄明決多所平反值歲旱發廩賑貧虔齋以禱甘霖立

卽墨縣志

卷八

名宦 吏治

六

霈邑人呼爲令君雨

馬存仁涿州舉人嘉靖六年知卽墨清慎明正以憂去送者遮道垂涕

吳廉字介夫歸安歲貢嘉靖十八年知卽墨攜一僕筮立頽廨中約已愛民歲饑爲請賑適有膠河之役廉不發濬卒曰朝廷命我牧民忍視其就死地乎吳知縣頭可斷夫不可得也上官怒誚以木偶人廉爲詩曰老大粗更事疑非木偶人不應方寸地時展一分春祇自懷甘苦憑誰質膺眞歸田何以擬斗粟未全貧遂棄官歸

湯明善字汝一江陰舉人嘉靖間由長興教諭來知縣事嚴吏胥

抑豪強境內肅然時郵傳派累每馬一匹歲費二百金多至蕩
產明善請於上通十家充一役量地輸銀民困以蘇興作之役
如文廟城垣及八蜡廟旌善亭養濟院等修葺構造不一而足
皆傭工酬直民不知有役遷嚴州倅邑人爲立生祠後祀名宦
鄒臣字汝忠號柏菴安陽舉人嘉靖三十二年任卽墨令嚴明廉
恪豪強爲之斂迹

只好仁字子任號壽菴內邱舉人隆慶元年知卽墨邑故有供款
多浮稅悉罷之大俠孫江毒善類立弊杖下一邑竦然卒以戇
直失上官權改平涼府教授

許鋌號靜峰武清進士萬曆六年知縣事獨身之任會旱至之夕

卽墨縣志

卷八

名宦 吏治

七

雨輒澍清吏蠹定戶則墾荒田招流移築堤岸通商艘戢營軍
禁衙役修志勸學文教斐然任五年陞兵部主事

李一敬華陽進士萬曆年知縣事廉慈愛民議礦議稅凡不便於
民者首先釐正之議招撫議開懇議山林海口之利議保甲弭
盜之法凡便於民者次第舉行之任五載政和年豐擢刑曹未
任卒於墨民立祠肖像祀之

周應奎字正甫閩縣舉人任教諭學問優長勤於教誨以白鹿洞
規爲主士類多底成就太守聘爲東萊書院山長陞開化知縣
歷河間府通判

杜爲棟祥符舉人萬曆五年任教諭訓士有方又採輯舊聞創修

縣志體例精嚴陞陝西洛南知縣

國朝

康霖生磁州人順治己亥進士康熙間來爲令初下車故不曉事
判決聽於吏胥一日忽曰昨視事日支干不利明日與爾更始
黎明起拜印陞堂發吏胥奸狀痛予杖取舊案盡反之事事如
坐照焉邑宿弊田歸大戶賦責貧民重困官亦坐累霖生立
清丈法約地主各以木牌署名標於地諱之則沒人官地浮於
糧者以積欠徵之不責耗凡二年而害除性强項不喜媚上官
有憲差橫於墨徑撲之未竟所施而卒卒四十年民猶思之入
名宦霖生妾某氏精會計方霖生清丈地畝時按畝稽稅氏總
其成數吏胥無能欺者霖生驟卒件項尙有未結者氏色服立
宅門以霖生命督促之竟其事然後發喪焉

卽墨縣志

卷八

名宦 吏治

八

尤三省字克敬號天一大興人順治戊戌進士以侍衛出爲鰲山
守備時衛戶悉佃民地歲輸稅課於縣吏胥刁難稽時日或乾
沒不給串多俯首重納者又僉軍戶充社差一身兩役民不堪
命三省移縣力陳宿弊遂革其爲政愛民重士而巨齒岬于七
之叛保障衛城尤有功升任去歷官貴州副將陞天津鎮總兵
官未赴任卒鰲人爲立去思碑至今尸祝之

陳允捷字意白德州歲貢生任訓導葺學宮勤考課遇諸生以禮
生平慷慨有大志喜談忠孝尙俠節論者謂青氊一席不能竟

其所學

段昌總號兩河常甯舉人康熙五十七年知縣事抑請託清獄訟命案尤絕牽累歲荒撫綏賑卹孜孜如不及尤喜獎勵節孝其解任也百姓供柴米填門巷去之日送者至數千人

朱宸湖廣人拔貢生雍正十年知卽墨縣爲政廉明時邑有掘旱魃惡俗宸嚴禁之澤及枯骨士民頌之

王純字畊陽南陵拔貢生乾隆二年爲令涖任八載判斷明敏禁奸戢暴以嚴威成其慈愛未竟所施而沒

晉運泰字大來咸甯人乾隆十一年由海陽調知卽墨政務寬惠民自畏服時值連歲大饑拯濟不遺餘力施粥賑粟以米易蝗

卽墨縣志

卷八

名宦 吏治

九

子半請於公餘悉破產爲之陞橫州牧卒於粵官署

方觀本字立岑桐城人乾隆十六年由例貢除知卽墨縣精敏幹練片言折獄時營卒恣橫平民重足觀本悉繩以法無所貸一邑帖然民至今思之

孔毓鈔字毅齋 至聖裔乾隆二十三年由歲貢任訓導端謹寡言笑師範儼然以敦內行戒浮華訓士子釐正祀典禮樂一衷於闕里修葺廟廡煥然一新皆捐俸爲之不足者或質衣以給卒於官及門皆哭失聲

周銓順治四年任招徠流亾剪除土寇士民頌之未久歿於官鄉貫無可考戚屬亦無人墓在邑東郭外碑已殘毀道路侵其塚

左右皆亂葬者乾隆戊子尤君淑孝涖任時爲之戚然值有林元爵捐地一區在龍王廟東偏高潔深煖遂爲易其櫬而遷葬之碑記其實俾公之後人邑之士庶瞻拜展祭均得有據云姜調鼎浙江遂安人恩貢康熙八年由掖縣丞署卽墨知縣薄於自奉罷雜派捐俸修戟門文昌廟方條議數事爲墨計百世利所志未竟以拙催科罷寄居於墨清苦至不舉火邑人感激義助焉後卒於墨按碑文內有署邑令丁傳二公云丁公安靜不擾傅公政類仿公口碑藉藉皆署不數月丁公罷官遂家墨姜公居與相近今俱無考

尤淑孝字孟仁大興人拔貢舉孝廉方正乾隆十九年授卽墨知卽墨縣志

卷八 名宦 吏治

十

縣歷任十餘年潔已愛人興利除弊開泉莊河民享其利修壩修城相繼舉行邑志自前明許公鋌修後已百六十年採輯舊聞重修爲十二卷體例精詳邑民肖像祀之

葉棲鳳字梧岡廣安州人舉人乾隆四十七年任卽墨政尙寬仁修文廟學宮及壇社等皆煥然一新邑舊無書院創建勞山書院興學勸士引翼獎拔士風爲之一變

裴廷桂 人舉人嘉慶四年任卽墨肅衙規杜苞苴猾胥奸役訟棍土豪悉惴惴屏跡案未允者平反之不便民除之修葺書院破格優賞一時士多奮興

歐陽大勳字約齋彭澤人舉人嘉慶八年之任性仁慈重士勸學

以息事甯人爲務勤於聽斷凡細事委曲勸導不輕用刑命案更絕牽累邑人於其去肖像祀之

王九蘭字南村交河人政尙嚴明專抑豪強以伸孤弱民間兌穀史胥舞弊至加倍親涖倉監兌宿弊一清書院舊無經費倡捐紳士捐助置地六百八十餘畝以爲師生束脩膏伙之資至今賴之

鄭鳴岡字翥軒遷安人舉人咸豐二年任卽墨性慷慨尙義實心愛人不留牘不用刑於民秋毫無所取墨城毀於水工鉅莫克舉毅然主其事規模既定會以艱去繼事因之閱歲而城成倉穀霉爛虧甚鉅紳民感其惠爲籌補之服闋未補官卒邑人肖像祀之遺愛祠子三長果次束己未進士官主事俱卒三臬庠生家屬不能歸遂入墨籍

武功

周

田單齊之疎屬燕樂毅攻齊下七十餘城獨莒即墨不下毅並軍圍即墨即墨大夫戰死邑人共立單爲將會燕惠王使騎劫代樂毅單乃身操板鍤妻妾編於行伍收城中牛千餘爲絳繪衣畫以五彩龍文束兵刃於其角灌脂束葦於其尾鑿城數十穴夜縱牛燒葦端壯士五千人隨之牛執怒奔燕軍所觸盡死傷燕軍大敗殺騎劫齊七十餘城皆復以單爲相封安平君

國朝

劉國玉甯夏人卽墨營叅將勇敢善戰順治十八年棲霞于七作

卽墨縣志

卷八

名宦 武功

十一

亂其黨李貓子率衆南掠國玉逆擊抵朱毛寺僧忽鳴鐘賊伏四至國玉倉皇上馬中傷流血卒破之一境獲全國玉止一子臨敵怯卽馬上斬之後卒於墨竟絕嗣葬官莊之西北塚墓猶存

王珏陝西人奮武將軍王進寶孫初任卽墨營叅將號令嚴肅人不敢犯以捕海寇陞膠州副總兵後署登州鎮任以積勞卒於

官

沈靜威福建人雍正元年任守備爲人持重有威望檢士卒勤訓練以整以肅壁壘一新有古名將風厯陞副將